

福建府縣志輯

中國地方志集成

乾隆泉州府志(二)



乾隆泉州府志(一)



(清)

懷蔭布修
黃任纂
郭賡武

圖書在版編目(CIP)數據

中國地方志集成·福建府縣志輯·23, 乾隆泉州府志.
2 / 上海書店出版社編. - 上海: 上海書店出版社,
2000. 10

ISBN 7-80622-424-6

I. 中... II. 上... III. ①地方志-中國②地方志-
福建-泉州市 IV. K29

中國版本圖書館 CIP 數據核字 (2000) 第 27748 號



泉州府志卷之二十九

名宦一

瀕海之民易于斂怨亦易于見德無愛民之實心而
徒事形驅勢迫智取術馭勿謂民愚撫我虐我心焉
數之矣維茲嚴郡監司統之守令專之丞倅而下分
符佐之師儒之官振鐸教之以逮建牙專閩禦敵捍
患無一不與閩休戚相關愛吾民者民亦愛之去
後之思所以歷久彌永也自唐迄今宦于泉者或紀
載所及或咏歌所播全美則淪浹肌膚一節亦利澤

泉州府志

卷之二十九

名宦一

一

蒼赤勿剪之棠椒心一心椒口一口固不專藉報德
之祠頌言之碑始足導揚休美也作名宦志

唐

團練副使

許天正固始人陳元光前鋒將元光父政高宗時勅統嶺
南行軍總管事自固始入闕從之者有盧如金等三十
人獨天正博學能文以儒飾吏以勇練士及元光代領
父眾遂用天正領泉潮事有所申請待討論迺行天正
平惠潮虔撫置保三十六所三年之內嶺海輯晏陸中

奉大夫兼嶺南團練副使裴採訪與張燕公薦于朝欲

掄掌史館天正力辭歷泉潮團練副使宋時追封順應

侯通志卷

太守

薛昱天寶中為清源太守以清德著郡人歌云郡號清源

官有清德舊志

刺史

蘇妙字觀妙南海人大歷中刺泉有惠政有白鵲巢于門

樓妙出鵲每隨集車蓋民頌歌之舊志

泉州府志

卷之二十九

名宦一

二

薛播河中寶鼎人開元天寶間兄弟七人並擢進士累授

殿中侍御史遷武功萬年令溫敏而裕與人交有常李

栖筠常衣崔祐甫並器之祐甫輔政拜中書舍人出為

汝州刺史建中閒坐小累貶泉州刺史秦系客泉播頻

往候問歲時致羊酒得歐陽詹優禮之詹由是知名再

遷河南尹禮部侍郎卒贈尚書舊志卷

趙昌字洪祚天水人貞元開泉州刺史鑿泉築塘灌田三

百餘頃後為尚書民追思其德名其塘曰尚書塘在城

東北隅與東湖隔街舊志

席相安定人貞元中以河東令刺泉州收興文建六曹都堂造北樓請歐陽詹為記癸酉歲詹與邑貢生八人將西上相以鄉飲禮餞遂之更設謙東湖亭修賓主禮款洽備至一時老幼來窺盡室盈岐間里之士皆以為榮競勸於學

舊志卷一

趙際泰和中泉州刺史郡有通淮橋其東南曰通淮門柴

於郡郭之東南隅瀕洩江水以肥沃南洋之田民便之

因其氏稱曰天水淮

舊志

薛戎字元夫寶鼎人少有學術不求聞達居陽羨山江西

泉州府志

卷之二十九 名宦一

三

觀察使李衡辟為從事故相齊映代衡又置署府職罷歸福建觀察使柳冕表為從事轉殿中侍御史會泉州缺刺史冕署戎權領州事是時姚南仲節制鄭滑從事馬總以直道為監軍使薛盈珍誣奏貶泉州別駕冕附會權勢欲搆成總罪使戎按問曲成之戎不從別白其狀戎還自泉州冤盛氣據衙而見賓客戎歷東廂從容而入冕度勢未可屈徐起一揖而退又搆其罪以狀聞置戎于佛寺環以武夫恣其侵辱如是累月誘令成總之罪竟不動搖杜佑鎮淮南表戎冤乃發書諭冕戎難

方解遂辭職歸後名拜侍御史歷浙江觀察使

舊志卷一

馬總字元會扶風人貞元中謫泉州別駕元和初權知泉

州刺史鑿北山下塘以灌民田篤學不妄交遊雖吏事

倥傯書冊在前用儒飾吏廉清不撓韓退之為總作鄆

州溪堂詩序極稱其政歷官安南都護戶部尚書卒贈

右僕射諡曰懿

舊志卷一

王潮字信臣光州固始人五代祖舉為固始令民愛其仁

許之因家焉世以貨顯潮兄弟三人長即潮次審知審

邽僖宗入蜀盜興江淮壽春人王緒劉行全合羣盜據

泉州府志

卷之二十九 名宦一

四

壽州未幾眾萬餘自稱將軍復取光州陷固始劫豪傑置軍中潮自縣史署軍正主康庚士推其信緒提二州籍附素宗權他日賦不如期宗權切責緒懼與行全拔眾南奔畧漳陽頓水取汀州自稱刺史入漳州皆不能有也初以糧少故兼道馳約軍中曰以老孺從者斬潮與二弟奉母行緒切責潮曰吾聞軍行有法無不法之軍對曰人皆有母不聞有無母之人緒怒欲斬其母三子同辭曰事母猶事將軍殺其母焉用其子緒舍之會母死不敢哭夜殯道左時望氣者言軍中有王氣緒素

猜忌潛視魁梧雄才者皆以事誅之眾懼次南安潮語
行全曰子美須若才絕寂吾不知子死所而行全亦不
自安與左右數十人伏荒野徂縛緒以狗吠呼萬歲推
行全為將軍辭曰生我者潮也請以為主潮苦讓不克
遁除地刺劍祝曰拜而劍三動者我以為主至審知劍
躍於地奴以為神皆拜之審知讓潮自為副緒歎曰我
不能殺是子非天乎遂自殺潮令于軍曰天子蒙難今
當出交廣入巴蜀以獎王室於是悉師將行會泉州刺
史廖彥若會泉州人張延魯聞潮治軍有法率耆老奉
泉州府志 卷之二十九 名宦一 五

牛酒迎潮潮圍城歲餘克之殺彥若有其地請降於觀
察使陳廉廉來潮為泉州刺史潮居泉擄懷離散均賦
繕兵泉人稱便及陳廉卒其婿范輝攝兵自稱雷後潮
遣從弟彥復將兵攻輝審知雖之輝守備年不下道人
白潮請廉兵潮報曰兵盡益兵將盡益將兵將盡吾至
矣於是彥復急攻輝亡入海繼新之建汀二州皆舉
命潮盡有五州地入福州自稱雷後為陳廉下葦素服
哭之以女妻其子昭宗假潮福建等州團練使俄遷觀
察使通伴四門等處流亡定賦敘道吏勸農人皆安

之乾寧中罷福州為威武軍節度使檢校尚書
左僕射卒贈司空 閩 書
別駕

姜公輔日南人建中間為唐相因論唐安公主造塔忤德
宗謂其賣直售名左遷左庶子未幾貶泉州別駕築室
于南安九日山與秦系相近順宗立拜吉州刺史未之
官卒憲宗時贈禮部尚書宋蘇紳大書姜相峯三字刻
于九日山之石 磴 舊 志

晉江縣令
泉州府志 卷之二十九 名宦一 六

趙應正乾元元年為晉江縣令開晉江鑿溝引水通舟楫
至城下民德之 舊志 案 閩 書

五代
清溪縣令

唐象仁字君澤五代光州固始人後周顯德初遷閩隱於
仙遊植德山下上閩王昶書勸其入貢昶命茶次軍事
曠以袍笏不受以詩謝之有周粟縱榮寧忍食葛廬頻
願設夢思之句居泉山杜門不出節度雷從劾辟至復
力辭乃求置小溪場請置縣遂為清溪縣令政尚德惠舉

王直道以自代愛佛耳山峭絕可耕可廬卜築其上號

所居曰清隱自為記從効遺之書稱曰清隱先生後人

取書中有崇待篤信之語名其里曰崇信邑人為立祠

與周朴劉乙相友善宋咸淳中勅封靖惠侯賜廟額曰

靈惠所著有清隱集舊志宋清源文獻閣書

王直道字伯三號潛夫王審知孫也居三山無戀功名意

後周顯德二年詹敦仁舉以自代為清溪令士民安之

不數載遂掛冠與敦仁偕隱晨夕詩酒相娛名其居曰

行樂安溪志

泉州府志 卷之三十九 名宦一 七

知軍州事

陳文顯字仲達洪進子洪進領漳泉節制署左神機指揮

使遷泉州馬步軍都軍使右軍押衙乾德初朝命平海

軍節度副使累加檢校太保洪進歸朝授文顯通州團

練使知泉州未幾代還時太宗征太原朝行在久之出

為青齊廬壽西京川南北陝州四州郡巡檢使文顯與

諸弟不睦私藏列訟真宗咸平初為御史中丞李惟清

所論劾詔念洪進忠勳令御史臺誠諭之尋以疾改通

許鎮都監六年卒子宗憲歷虞部員外郎為西京作坊

使宗元殿中丞閣書

喬維岳字伯周太平興國三年以通判知軍州事時盜起

仙遊數十餘萬攻郡城郡中兵僅三千勢甚危急監軍

何承矩欲盡屠其民焚府庫以遁維岳抗議堅守既而

轉運使楊克讓率兵破賊圍始解事聞下詔褒之舊志

知州事

孫逢吉太平興國七年知泉州以精忠厚德見稱真德秀

守泉時舉與程大昌顏師魯林杓韓國華陳侗趙鼎並

泉州府志 卷之三十九 名宦一 八

祀閣

韓國華字光弼安陽人太平興國二年進士景德中以太

常少卿出知泉州質性純直治有時譽子琦郡舍所生

也後人翹所自出石刻國華及琦像祀府中而名府治

之堂曰忠獻舊志泰閣書

陳靖莆田人太宗真宗朝屢議均田三司使阻之不果行

大中祥符天禧間累官知泉州重農愛民郡人德之舊志

方慎言字應之莆田人天聖元年知泉州會歲飢大發官

廩賑貸尤恤鰥寡孤獨生子有以方為名者舊志

葉賓仙遊人景德二年進士天聖六年知泉州治理甚明

嘗臨印南安縣有盜截牛舌者其主以聞陽為叱去陰

令屠之即有告屠牛者賓謂曰截牛舌者汝也訊之果

服舊志

曹修睦字公臣建安人景祐閒知泉州濱海有天水淮迎

潮水溉浸旁田數十里自渠水湮塞田蕪租逋修睦為

疏鑿之渠通而田復流民還業賦額復舊利及百世長

於文學范仲淹嘗贈以詩曰泉南曹使君詩源萬里長

復我百餘言疑登孔子堂聞之金石音純純自宮商節閱

泉州府志

卷之二十九 名宦一

九

書蔡蔡忠惠集

沈周字望之錢塘人康定元年守泉州為治簡易訟有可

已者輒使歸思之獄以故少泉舊多盜日暮市門輒閉

禁民勿往來及周至除其禁而盜亦止舊志

蔡襄字君謨仙遊人至和嘉祐閒兩知泉州威惠兼行民

畏而愛之州之東有萬安渡涉海而濟往來畏其險襄

立石為梁長三百六十丈種蠟於礎為固又植松七百

里以庇道路泉人刻碑記德立祠祀焉祠在橋南今猶

存舊志

關詠籍貫關嘉祐八年自太常少卿知泉州改光祿卿祕

書監泉有番舶之饒官州者多市取其貨十不償一惟

詠與參軍杜純無私買竟以不察舉他官坐免閱書

晁宗恪字世恭祥符人熙寧閒自朝散大夫守光祿卿知

泉州修廢弛督奸彊威信盛行盜不敢發獄無繫囚人

安其政去而思之閱書

陳傳字君舉沙縣人通判蔡州嘗以疾在告力爭枉獄免

死者五人熙寧八年名知開封府屬新法行請外知泉

州以治行聞召見改惠州元豐五年復知泉州舊法番

泉州府志

卷之二十九 名宦一

十

商至必使詣廣東否則沒其貨傳請立市舶司于泉詔

從其議以朝議大夫致仕贈特進舊志

陳樞字慎之湖州長興人熙寧閒自宣德郎守尚書屯田

員外郎知泉州去觚角紉雕琢敦樸平易刑軍失罪惟

恐傷人賦役度所不可蠲除者然後調發與民為期會

未嘗取疾爭先泉歲凶樞築室止窮民饑者給食病者

給醫使者蒐兵於閩益廣而戊樞言兵當蒐者父母老

或疾至無他子皆可聽免詔為令元豐元年會鞏為福

州充福建路兵馬鈐轄奏疏曰臣所領內知泉州事尚

書屯田員外郎陳樞實性純篤治民為循吏積十有五年不上課故為郎久不遷方朝廷抑浮競尚廉素之時宜蒙特詔有司奏樞課優進其官以獎恬退於是特遷樞尚書都官員外郎詔曰吾寵樞也以戒奔競書

黃伸邵武人嘉祐六年進士元豐中知泉州建學校芝生于梁改建州歷官司農卿舊志

陳覺民仙遊人熙寧初登第元祐中知漳州建州福州所至有治行崇寧五年改知泉州時有司建言欲權六郡酷覺民陳五不可且移書約他郡同請其事遂寢遷本

泉州府志 卷之二十九 名宦一 十一

路提刑風采嚴峻未嘗與僚屬妄交一談人甚憚之舊志

陸藻侯官人宣和中為泉州郡守招致郡中謝事五老賦詩贈之曰五老三百五十七俱生仁祖承平時名齊廬

皇久傳世身異商山澗采芝兄蘊同時為建寧守俱有名舊志

張闡字大猷永嘉人紹興中通判泉州軍州事靖康中知泉州有治聲累官工部尚書贈端明殿學士諡忠簡舊志

梁巖老承福人政和中金再犯關奉使敵軍中被幽荒寺

日給以飲食食餘輒私晒之復陰漬其壁既而壁壞挾

餘糧夜遁查伏竟全節歸高宗嘉慶建炎元年除直祕

閣知泉州方欲大用之未幾卒士大夫惜焉舊志

劉子羽字彥修崇安人宣和間與父幹守真定金不能拔而去由是顯名紹興六年知泉州在郡二年政多澤民

民愛之如父母舊志

趙鼎字元鎮聞喜人崇寧五年進士歷遷司勳郎官嘗上

言罷王安石配饗後以忤旨出奉祠歷知洪州召拜參

知政事為給事中勾濟所詆出知紹興秦檜往餞鼎不

為禮檜憾之有旨召鼎鼎至越旬祠檜惡其逼已紹興

泉州府志 卷之二十九 名宦一 十二

九年徙知泉州年餘安撫泉民檜又諷御史中丞王次

翁論鼎治郡廢弛命提舉洞霄宮鼎自泉歸復上書言

時政檜忌其復用諷次翁又論其乾沒府錢十七萬緡

安置湖州孝宗即位諡忠簡贈太傅追封豐國公舊志

陳彥才字用中平陽人宣和進士秦檜寓永嘉彥才居與

隣未嘗謁之彥才與檜生辰偶同戲作詩曰命賤安能

比鉅公偶然生月與相同只為日上差些子甘向連江

作釣翁後歷徙知泉州朱文公歎其述懷詩稱其廉靜

自守不肯屈意權門有省身知足之歎雍正志稿

汪藻字彥章德興人父穀丞晉江生藻丞舍紹興開藻來

守郡年六十餘矣其謝表云訪六十年之父老恍若前

生佩二千石之印特敢期今日陳俊卿為觀察推官與

藻同時郡中失火藻急往視諸椽屬方出飲俊卿雖不

同飲顧其輿卒實假之行既與諸僚屬皆以後至被詰

俊卿同諸椽屬唯謝而已後藻知俊卿服勤職事居恒

不赴宴會怪而問故俊卿曰某不能止僚友之行忍自

解以重其罪乎藻歎服謂不可及藻博聞強識寤寐

泉州府志 卷之二十九 名宦一 十三

千載心摹手追穿貫羅網推原天人道德之旨古今與

壞之跡金華勸講石室鈔書典冊施之朝廷樂歌薦之

祀廟碩學鴻文暴曜一世南書

陳康伯字長卿弋陽人紹興十六年知泉州時海寇閒作

朝廷遣劉寶成閔逐捕康伯以上意招懷之盜多出降

籍為兵久之不逞者陰倡亂康伯訊得實論殺之州以

無事歷官尚書右僕射同中書門下平章事高宗謂其

稱重明敏與宰相孝宗稱其器量從容可比謝安舊志

葉廷珪字嗣忠甌寧人紹興十八年以兵部郎中出知泉

州為政清靜簡易時通淮河塞廷珪疏引入城語州之

士曰通此異水十年當出大魁至期梁克家應之尤工

詩與傳自得一見如平生會即談詩一日出所作郡齋

羅漢室示自得末云幾多雁鷺行閒吏衙退頽來禮釋

迦自得曰泉放劇郡公使吏輩優游如此可以觀政廷

珪以為會心之友喜編纂有海錄雜事碎事傳于世去

後郡人祠于清源下洞舊志 閩書

趙令衿宋宗室也紹興二十一年知泉州博學能文在郡

留意教養建堂祀姜公輔秦系於九日山下民感其化

泉州府志 卷之二十九 名宦一 十四

官至明州觀察使舊志

辛次膺萊州人第進士為吏部郎時以劾秦檜妻兄王仲

巖等不法求去除直秘閣湖南提刑未幾罷奉祠閱十

六年甘貧無求檜死起知泉州為政清靜務先德化人

安其不煩移福建帥丁母憂乞納祿為人孝友清介立

朝嘗謬仕宦五十年無絲毫挂吏議云舊志

范如圭字伯遠建陽人登進士第歷校書郎兼史館校勘

嘗以書責秦檜曲學背師忘仇辱國之罪謁告去杜門

十餘年紹興二十九年知泉州時南外宗正官寄治

郡中挾勢為暴占役禁兵以百數如圭裁之以法宗室
大沮恨密譜之遂以中旨罷領祠舊志

劉琪字共父崇安人紹興十二年舉進士隆興間知泉州
委事僚屬一無所問人意其不諳或不屑為既乃取而
自為之辨察精明區處的當士民悅服歷觀文殿學士
卒贈光祿大夫諡恭肅閩書

陳俊卿字應求興化人隆興二年以寶文閣待制知泉州

初俊卿為州觀察推官服勤職業同僚宴集恒謝不往
民受實惠秦檜惡其不附已岐南外睦宗院教授後累
泉州府志

泉州府志

卷之二十九 名宦一

十五

遷叅知政事平生孝友忠敬清嚴好禮在朝正色危論

侃侃無所避焉舊志

趙子滿宋宗室乾道二年知泉州吏有掠民女為妾者其
妻妬悍磔之貯以缶抵其兄興化椽廨中妾父詣郡訴
吏不能決子滿廉知密令人往興化掩取之果得缶遂
成獄其精明多類此舊志

王十朋字龜齡樂清人由太學試策高宗廷擢第一歷官

吏部侍郎力辭出知饒州移夔州繼知湖州戶部責虛
連三十四萬命吏持券往取不聽即請祠去乾道四年

起知泉州下車會七邑令飲作一絕云九重天子愛民

淡令尹宜懷惻隱心今日黃堂一杯酒使君端為庶民
劃於是割俸錢創貢闈布上思恤民隱士之賢者詣門
以禮致之朔望會諸生學宮講經修姜公輔之墓立秦

系之祠復韓琦忠獻蔡襄安靜二堂僚屬閒有不善反
復告戒使之自新民輸租俾自槩量訟至溫詞曉以理
義多退聽者去之日老穉攀留越境以送思之如父母

焉後以龍圖閣直學士致仕州人建梅溪祠祀之朱熹
稱十朋疎暢洞達如青天白日磊落君子也舊志參閩書

泉州府志

卷之二十九 名宦一

十六

汪大猷字仲嘉鄞縣人乾道七年以敷文閣待制知泉州

時毘舍邪嘗掠海濱歲遣戍防之勞費不貲大猷作屋
二百區遣將雷屯寇不復犯久之戍兵以真臘大賈為
毘舍邪執之大猷曰毘舍邪面黑如漆語言不通此非

也遂遣之故事番商與人爭鬪非折傷罪皆以牛贖大
猷曰安有中國用外島夷俗者既在吾境當用吾法三
佛齊請鑄銅瓦三萬詔泉廣二州督造大猷奏法銅不

下海中國方禁銷銅奈何為其所役卒不與進敷文閣
直學士雷知泉州舊志

姚憲淳熙中知泉州易學宮廟門修文昌閣及諸齋閣

韓彥直淳熙六年知泉州始置小學以教民擇有學行之

士二員職訓導講說閣

程大昌字泰之休寧人紹興中試館職為祕書省正字歷

官權吏部尚書淳熙七年方行中外迭更之制力請出

外途知泉州有惠政江州賊沈師作亂戍將蕭統領戰

死閩部大震大昌趣統制裴師武討之賊遂遁去遷知

建寧府徙知明州攷仕卒大昌博學善考究著述傳於

當時舊志

泉州府志

卷之二十九

名宦

十七

趙必愿字立夫宋宗室汝恩孫也淳熙中以華文閣直學

士知泉州罷白土課及免差吏權鐵諷諸邑行義役秋

旱力講荒政乞發倉賑救多所全活必愿為政平易以

近民忠信以厚俗尤畱意武事申明左翼軍節制事宜

卒贈光祿大夫舊志

司馬倣淳熙九年以寶文閣待制知泉州居二年除龍圖

閣待制再任增飾禮殿設殿簾兩廡揭御贊鏡諸板修

城中坊表百餘命郡文學陳諫書扁法曹祝繪為圖記

閣

書

林栢莆田人淳熙十二年知泉州以清德律貪除諸邑無

名科斂訟牒盈庭剖決不滯一時豪強斂跡莆泉密邇

親故不敢干以私後帥閩卒民立祠以祀舊志

傅洪字元瞻仙遊人管江令侂子由進士淳熙中知泉州

迎九十老母就養潔已愛民惟恐有愧於父郡人即縣

廳西為堂繪侂像祀之後知溫州卒贈中奉大夫直龍

圖閣莆田開國縣男閣

顏師魯字幾聖龍溪人第進士歷官監察御史嘗論除職

師藩者示時交結權倖一紆郡絳輒掎克以厚苞苴故

泉州府志

卷之二十九

名宦一

十六

昔以才稱今以貪敗高宗納其疏神中行之後遷吏部

尚書抗章請老淳熙十六年以龍圖閣直學士知泉州

始至印勸海船諸稅諸商賈胡尤服其清為政專以恤

民為心郡人塑像祀之舊志

朱佺紹熙五年知泉州奏罷權鹽以舒民困閣

謝諤字昌國新喻人紹興開舉進士自分宜縣擢監察御

史光宗登極獻十箴累遷御史中丞慶元閒以煥章閣

學士知泉州所著聖學淵源五本孝宗每對廷臣誦之

又嘗進孝史五十卷詔付祕書省閣

劉頴慶元五年以中奉大夫集英殿修撰知泉州以錢宋
昇十五禪寺使募工開濬東湖助以壯城之卒因以為
放生池凡二萬九千餘丈求石於延平訪太湖石於故
家取唐以來刺史題名加剛潤去繁蕪屬善士書刻之

書

倪思字正甫歸安人嘉泰元年知泉州新學校修城郭繕
器械訓士卒浚河渠造橋梁葺候館立養濟院百廢俱
興民不告擾真德秀將守泉貽書問政思告以母崇宴
觴毋黷寶貨靜以安民儉以化俗思歿有年德秀為祠

泉州府志

卷之二十九 名宦

九

而記之曰泉守多矣不求祠而民祠之有三人焉蔡襄

王十朋其一思也史稱其屢觸權臣三黜不變舊志泉

記

葉適字正則永嘉人淳熙五年進士初為太學博士除太
常博士朱熹為林栗所劾適疏爭不報歷國子司業力
求補外除太府卿兼總理江淮軍馬錢糧罷王管冲祐
觀差知衢州辭起為湖南轉運判官慶元三年遷知泉
州寧宗朝召入對進寶文閣待制兼江淮制置使累寶
文閣學士通議大夫卒諡文定適生平喜讀書考論古

今品藻人物不以世務繁懷名重當世學者稱為水心

先生書

章良能嘉泰四年以朝散郎知泉州養學宮十五齋地增

置官書三千五百餘卷書

陳子冲開禧中以中奉大夫右文殿修撰知泉州奏除秋

糧重稅民感之書

鄭應龍字景初泰寧人慶元二年進士嘉定三年守泉州

修舉廢墜興學右文郡城故卑薄應龍以賈胡簿錄之

費請于朝而大修之城始固又即明倫議道堂開建六

泉州府志

卷之二十九 名宦

二十

經開德濟門外筍江下流舊以舟渡始造石橋長一百

五十餘丈翼以扶欄居民行旅便之以擬萬安橋焉歷

官僉書樞密院事舊志

程卓字從元休寧人淳熙中廷對首乙科嘉定元年知泉

州修輯郡志請推官李方子纂清源文集凡國史家集

與碑碣楹壁遍加搜採勒為成書為政簡靜不擾士民

安之節

真德秀字景元號西山浦城人慶元五年進士嘉定十年

知泉州時番舶懼苛征至者歲無三四德秀至郡首寬

之遂歲增三十六艘輪租令民自槩聽訟惟揭示姓名
 人自詣聽治勢彙梗法務在痛繩海寇作亂官軍敗劬
 乃祭兵死者親授士卒方畧擒之巡歷海濱增屯要害
 以備不虞紹定中再知州事迎者塞路溪村百歲老人
 亦扶杖以出歡聲雷動諸邑二稅嘗預借至六七年德
 秀入境首禁之有累月不解一錢者郡計稍逼或咎其
 寬恤太驟德秀謂民困如此寧身代其苦決訟自如至
 申未已或勸晉養精神德秀謂無以惠民僅有政平訟
 理事當勉耳時南外宗官在泉者三千三百餘人以上

泉州府志

卷之二十九

名宦

三

中下末四等給應德秀多方區處而斂不傷民其他善
 政尤多所著心政經勸諭文人皆傳誦祀名宦明嘉靖
 閒郡人復立祠郡治之東專祀之舊志參道南源委
 宋鈞莆田人紹興閒進士先為晉江尉捕盜有方擢知南
 海縣廉能著聲廣民愛戴嘉定十二年知泉州舊有銀
 礦令以其銀代台信邵武建昌四州上供而以四州所
 產網棉絹帛折還支散官兵後銀礦閒廢四州折還網
 絹皆紕惡又積欠大為民病鈞懇奏乞各從初賦從之
 除海苔蠟房葵葉鹽鮭等稅捐俸代輸啻零下戶劊局

講荒政所活萬計代真德秀善繼其政民戴而祠之舊志

參廣東通志閩書

王棟字子東文正公淮之子由司農少卿出守袁州改知

泉州政尚簡靜馭吏以嚴閩書

游九功建陽人寶慶元年守泉在郡以清嚴稱畱心教化

撥五廢寺田于石井書院以廩學徒南安令毛淮簿謝

觀作新學舍考成之日九功率僚屬諸生周旋廟廷以

慶其能舊志

孫夢觀字守叔慈谿人寶慶二年進士歷官大宗正丞兼

泉州府志

卷之二十九

名宦

三

屯田郎中將作少監以言事忤當路者紹定中出知泉
 州兼提舉市舶重名節蠲租省罰有循良之譽丞相董
 槐名還帝問廉吏首以夢觀對遷司農少卿兼資善堂
 贊讀後知建寧府卒其家僅敗屋數間而已舊志參閩書
 李韶字元善連江人嘉定四年進士紹定四年通判泉州
 忠厚純實郡守游九功素清嚴獨異願韶端平初遷右
 正言上封事數千言理宗嘉其真有愛君憂國之心以
 寶章閣直學士知泉州忠厚慈愛簡淡冲粹純實便民
 州人戴之舊志

劉偉叔嘉熙間以奉直大夫知泉州兼權福建路市舶管
捐公帑錢二百一十萬治廟門殿廡講堂闕

趙汝騰字茂實號庸齋宋宗室寶慶間進士累官端明殿

學士知泉州及南外宗正司事皆有善政朝廷賜田宅

以旌其廉卒諡忠靖舊志

王會龍嘉熙四年以朝奉郎知泉州與典宗趙師恕率僚

屬偕寓公郡士詣學行鄉飲酒擢太府少卿闕

顏頤仲龍溪人師魯之孫淳熙二年以待郎出知泉州罷

溪羅減商稅除監賊教宗室開東湖民甚德之歷官吏

泉州府志 **卷之二十九** 名宦一 三

部尚書舊志

通判

林孝淵字全一莆田人崇寧五年進士歷建州通判改泉

州時亂卒肆橫孝淵至遂為帖息提舉市舶按收舶貨

吏循例取腦一匣以納孝淵厲聲曰公則官物私則商

貨何例之有斥反舶庫邵邦建薦于朝曰材術疏通吏

事詳練協贊郡治綏靖兵民千里帖然內外安堵人以

為實錄舊志

韓習字勝非穎昌人億之元孫也紹興間通判泉州攝郡

事會密院調禁卒他戍卒憚遠涉既出城欲倒戈為亂

時劉寶提偏師赴臨漳捕茶寇習知其謀密以告寶假

劉兵百餘設伏以俟其變亂卒甫入譙門伏兵四起卒

就擒獲其渠魁復遣往戍一郡以寧秩滿寓居于泉舊志

陳大亨字文通仙遊人紹興三十年進士隆興中通判泉

州居家清勁歷五任貧無居屋寄寓僧舍闕

孫叔謹字信之龍溪人嘉定十一年進士為泉州通判訟

牘剖決如流去重征恤民困丁艱歸闕

方蒙仲字澄孫莆田人淳祐七年進士由國子監出為泉

泉州府志 **卷之二十九** 名宦一 三

州通判攝郡守策兼司舶剔除蠹弊黜籍舞文之吏不

得逞終祕書本所著有通鑑表微洞齋集闕

吳棫字才老建安人舉進士紹興間任泉州通判剛直有

謀明恕能斷悍卒謀亂一郡洵棫命戮數人談笑定

之所著有書稗傳詩補音論語指掌考異續解楚辭釋

音韻補又作字學補韻朱文公據以叶三百篇節闕

戴溪字肖望永嘉人慶元中判泉州有能聲與太守信安

劉頴撰清源志七卷歷官太子詹事立朝雖乏骨鯁而

為人純明平易闕

朱在字叔敬建陽人文公第三子以蔭補官嘉定開通判

泉州為政一以父為法歷南康軍奉祠起知信州入對

以進學問振紀綱求放心為言累遷工部侍郎奏請會

子參並封公爵楊雄王雱應去其像程灝程頤張載從

祀廟延歷煥章閣待制書

游酢字定夫建陽人元豐進士慶元中由博士僉書泉州

判官以道學淑士心以公勤治吏事時方修祠館編民

困於征調所至騷然酢處之裕如民不勞而事集擢監

察御史書

泉州府志 卷之二十九 名宦一 三五

傅知柔仙遊人宣和進士知龍巖縣素有威名調泉州僉

判帥臣檄捕海寇知柔出幟以示寇即降終朝請耶書

黃公度字師憲莆田人紹興八年進士第一任平海節節

度判官兼南外宗正簿有流民數百輩自汀虔下至泉

守將疑而繫之公度力為辨解得縱去代還除祕書省

正字書

方阜鳴字子默莆田人嘉定初任泉州僉判時真德秀為

守阜鳴嘗謂滅門刺史破家縣令此衰世事古人惟曰

豈弟君子民之父母而已德秀擊節歎賞在官清儉秋

毫不苟取每以其任晚用小為恨書

胡大正字伯誠崇安人以季父寅補官開禧中僉判泉州

會劇賊號過海龍羅動天者逼清漳勢甚急泉與為鄰

城門晝閉忽近郊有荷斧者數十人兵捕以聞同幕請

肆諸城下大正不肯書牘訊之果採樵者皆釋之郡為

番商之會每舶至檢視者得利不貲大正秋毫無所取

推官書

林希逸字肅翁號霽齋福清人淳熙五年為泉州推官以

泉州府志 卷之二十九 名宦一 三六

清白稱著有三子口義歷司農少卿終中書舍人書

鄭厚字景章興化故縣人舉禮部奏賦第一紹興中任泉

州觀察推官先以趙鼎薦召對陳御將固本攬權之方

高宗嘉納及至泉適鼎為太守大小政務盡委決焉卒

以郡吏夫死獄誤以甲為乙與守佐皆連坐解去歷知

湘鄉縣卒于官書

李方子字公晦光澤人朱文公高弟嘉定七年廷對擢第

三調泉州觀察推官適真德秀守泉以師友禮之郡政

大小每以吞夫服則與辨論經訓至夜分不倦秩滿遷

國子錄祀名宦舊志

參軍

陳仁璧莆田人仕陳洪進為泉州通判勸洪進納士太祖

嘉之授檢校膳部員外郎泉州錄事參軍子靖知泉州

書

陳簡能字知柔閩縣人大中祥符五年進士及第為泉州

錄事參軍淵懿有士操深古文辭改建州參軍書

葉任字仲堪仙遊人由父蔭天聖間任泉州司戶參軍性

介直孤行蒞眾必先繩其尤強猾者治民必先憐其尤

泉州府志

卷之二十九名宦一

三七

貧弱者上官以勢奪弗為動卒以見忤投牒歸去而民

思之節蔡忠惠文集

李元字君超南昌人皇祐甲為泉州司戶參軍郡將貪墨

僚屬皆曲媚厚獻元與州帥曹某獨無所私奉將怒且

憾憲使羅承按部至郡曰祿不從眾為人可知卽拜薦

之書

陳可大字齊賢仙遊人政和二年進士調泉州工曹兼右

推時龍巖解死罪盜七人可大明其無辜得不死時稱

神明舊志

杜純字孝錫甌城人元祐中任泉州司法參軍泉有番船

之饒雜貨山積時官於州者私與為市價十不償一惟

知州關詠與純無私買後事敗獄治多牽繫惟關杜無

與關猶以不察免且檄參對杜憤懣陳書部使者為訟

究關得不坐舊志

提舉市舶司

趙崇度嘉定閒提舉市舶先是海商貨至官競討取命曰

和買實不給一錢於是高船滋少供貢缺絕崇度與郡

守真德秀同心剋洗前弊罷和買禁重征逾年舶至三

泉州府志

卷之二十九名宦一

三五

倍故事歲以土物送諸貴人下泊曹吏皆壓滿崇度曰

吾不能脫脂膏以市寵榮悉罷之舊志

林遠莆田人居官清白司泉州市舶嘗受鮓十甕他日發

之金也遠還之歎曰昔畏四知子畏一心書

泉州教授

劉康夫字公南閩縣人熙寧中嘗舉孝廉坐後時罷元豐

閒主泉州教授規矩端恪其訓養豪雋成就才哲發於

誠心施於政事為文下筆千言若不由思慮而羽翼

詩書根柢仁義雖夙構無以過之泉人蔡彰嘗錄其溫